

洛水詞

目錄

水調歌頭 五調 六州歌頭 一調

滿江紅 二調 步虛詞 一調

沁園春 六調 錦堂春 一調

壺中天慢 一調 燭影搖紅 一調

謁金門 一調 水龍吟 一調

喜遷鶯 四調 柳梢青 二調


賀新郎 一調 寶鼎現 一調

念奴嬌 三調 傾盃樂 一調

醉蓬萊 二調 西江月 二調

滿庭芳 三調 減字木蘭花 一調

洛水詞目錄終



洛水詞

宋程秘

水調歌頭

寄發易江朝至湖陰月正午舟中作

玉女埽天淨雅觀掠江寬問君何事底急夜半
挾舟還三島眠龍驚覺萬頃明瓊碾破涼月照
東南碧氣正吞吐滿挹漱膚肝煙蓬上蔡雲
象噉天關人間已夢我獨危坐玩漫汗蟬殿黃
昏未鎖鶴驚翩躚蜚下共吸酒壺乾典罷吹笙
去風露五更寒

又

壬子五月二十三日流五玉泉雨忽大作連賦水調二章一寄于楚一徹以歸

電闕驅神駿鐵樓起癡蛟木鳴山裂盛夏白晝
野魑號急上瑤庭深處爲問龍君何怒挾破古
天潮日華開絢采雨意屬詩豪與君來蜚玉
佩斬狐瓢纖流沈羽借我爲斛滌銀潯醉拍滿
缸香雪寫竭一池濃墨逸氣正飄飄何事謫仙
子歸去續松寥

又

日殺金鉦赤雲寶水晶寒支機石下翻浪噴薄
出層關半夜雌龍驚走明日靈蛇張甲蜚上石
盤桓多謝山君護未放醉翁閑安得醉風流
此露珊珊翠雲老子邀我瑤佩駕紅鸞一勺流
觴何有萬石橫缸如注虹氣飲溪乾忽夢坐銀
井長嘯俯清滿

又

壬子五月二十三日流五玉泉雨忽大作連賦水調二章一寄于楚一徹以歸

天地本無際南北竟誰分樓前多景中原一恨
香難論却似長江萬里忽有孤山兩點點破水
晶盆爲借輶霆力驅去附崑崙望淮陰兵治
處儼然存看來天意止欠士雅與劉琨三拊當
時頑石喚醒隆中一老細與酌芳樽孟夏正須
雨一洗北塵昏

又

戊戌自寄

渤澥東南界西北倚崑崙當時推步但知宇內

有乾坤午夜風輪微轉駕我浮空泛景一息過
天根俯眎人間世渺渺聚漚塵挽天吳摩海
若吐還吞寧用計年八十陽九又三陰要自白
榆星外直至黑流沙底山與澤俱平不論初末
度一色界如銀

六州歌頭

送辛稼軒

向來抵掌未必總談空難徧舉質三事試從公
記當年賦得一丘一壑天塲濶淵魚靜莫擊磬
但酌酒儘從容一水西來他日會從公曳杖其
中問前回歸去笑白髮成蓬不識如今幾西風
蒙莊多事論虱豕推羊蟻未辭終又驅說魚
得計孰能通嘆如雲罔罟龍伯啖眇難窮凡三

鴻濛且從頭檢校想見□迎公湖上千松

滿江紅

懷稼軒示同中秋

黃鶴樓前江百尺波橫光溢問老子當年高興

何人知得最愛洞庭天際水分明表裏玻璃色
恐今宵未必似前番天應惜都莫問鴻鍾勒
也休羨壺天謫憶故人霜下亂灘橫笛便好騎
鯨游汗漫古來蟾影何曾沒更明年重約再來
時棄槎客

又

登石頭城
歸已月生

頗恨登臨浪自作騷人愁語石城上何須苦說
死袁生褚當日臥龍商略處秦淮王氣真何許
與君來蕭瑟北風寒黃雲暮枕鍾阜湖玄武
生此虎真蹲踞看四山環合依臨江渚可笑唐
人無意度却言此虎凌波去君且住明月爲人
來潮生浦

步虛詞

壽張門司

休怪頻年司鑰仙官長守仙宮東風未肯到凡
紅先舞雲韶彩風都是一圓和氣故教上苑
春濃群仙拍手過江東高唱紫芝新頌

沁園春 別陳總帥。此一闕。本集誤作八聲甘州。

玉局仙人輕帆萬里送入三吳。惟一舟如葉元
無濁物依然姑射滿載冰壺。昔日文君千言成
誦不識如今記得無新來也喜都將分付一顆
驪珠。向來田賦蠲輸散多少春風巴與漁翁
公家粗了蓴鱸而已何妨西子白髮江湖印鑄
黃金時來須佩畢竟人生萬卷書離情處正秦
淮歲晚雲意模糊

又壽王
運使

公有仙姿蒼松野鶴落落昂昂論法主長生仍
須極貴雲臺終闕都許尚羊更憶當年而今時
候一念功名下帝菊天分付使人間草木盡有
春香。人知相法奇麗又那識陰功事更長筭
毘陵荒政江東風采忠文典則凜凜生光再歲
秦淮舳舻入夢帷帳從來在廟堂公歸去好平
心獻替人望時康

又壽李
通判

郎用招秋休言推暑風自蕭蕭問誰解當初識
公來處月明碧落旆卷青霓千丈長松起人生
意凍半寒瓜空滿畦還堪怪怪諸公衮衮我尚
慙泥。須教一舉崔嵬笑人世功名各有檢更
何須煉鼎玄霜絳雪只煩煮茗水餅冰壺紫府
多仙招來滿座公自長生角亢齊何曾也有玉
麟行地老鳳梧棲

又謝劉小山
類寄所作

君有新詞何妨爲我時遣吳奴看此山大小風
流晉宋眼中餘子苦自侏儒九曲清溪千枝楊
柳還記新條更有無春將好欲從君商略君意
何如。佳人玉佩瓊瑤更覺中流濯有詩書把
古人行處從頭檢點今人說底却不須漂更上
石頭重登鍾阜畫作金陵攷古圖頻相見怕薰
風早晚便隔天隅

又與牛三月望日
賦洛堂牡丹

消得瑠欄也不枉教車馬如狂怪元和一事韓
公子者歸來斷去玉毀崑岡爲解花朝朝來試
看采佩殷霞霏露香君休怪笑只緣太豔俗障
難降詩人未易平章向百卉彫零獨後裝看
洪爐大器從來成晚只須這著也做花王況是
月坡花圃一尺壓盡紛紛瑣細芳還堪笑笑龍
鍾老鳳方入都堂

又讀史記
有感

試課陽坡春後添栽多少杉松正桃塲畫濃雲
溪風軟從容延叩太史丞公底事越人見垣一
壁比過秦關遠失腫江神吏靈能脫苦不發衛
平蒙休言唐舉無功更休笑丘軻自陋窮美
汨羅醒處元來醉裏真數假孟畢竟誰封太史
亡言床頭醺熟人在晴嵐香霽中新堤路喜膠
枝鱗角天矯蒼龍

錦堂春
春望

最是元來苦無風雨只恁匆匆歸去看遊絲都
不恨恨秦淮新漲向人東注醉裏仙人惜春
曾賦却不解留春且住問何人留得住怕小山
更有碧蘼春句

壺中天慢

寄丘秘監
向失慢字

日麗東井正輪囷桂影十分光潔火令方中符
國運天與非常英傑榮華平生眼空宇宙綠髮
千尋雪笑談一鎮單于底事心懽晚歲佛地
功深人間富貴五湖煙水闊誰遣心期事左須
酬滿麒麟勛業又也何妨長生仙籙已在黃金
闕中原快括要公歸任講笑

燭影搖紅
元青

青旂搖風朱簾漏月黃昏早遶山萬疊忽蜚來
上有千燈照和氣祥煙繚繞映瓊樓五雲縹緲
青裾竊袂亂吹繁絃九衢驩笑元是琴堂十

分管領春光到手移星宿下人寰招客來仙島
信道邦人見少彷徨似皇都春好明年只恐驚
山扈從隨班清曉

謁金門

唐越帳
幹韵

煙漠漠醉裏看春都錯過了清明遲一著牡丹
重約摸曉日漸明簷角天與芳辰難卻駐得
韶華元有藥桃源誰共約

水龍吟

李
尚書

道家弱水蓬萊鯨波萬里誰知得人間自有南
昌居士仙風道骨詩似白星貌如卿老風塵挺
出向謫仙家裏滕王閣畔飄玉佩下丹闕黃
髮四朝元老又誰知重生綠髮手提一筆法人
多少三千功積已冠文昌人人瞻望玉樞躋偈
對新涼酒頰微紅宛是一星南極

喜遷鶯

別謀
新思

少年意氣騰燕兵胡轡虜王區脫眼底矚矚腹

中空洞不著曹劉元白聞道殊科八中也要彩

盧連擲收拾盡到如今但有寸心如鐵天付

真奇特口靜神充雙眼胡僧碧楚國離騷唐朝

詞學未信芳塵口歇結取佳人香佩截斷兒曹

綺舌端去也且爛斑戲絲好春長日

又

李
文昌

評君誰似似長松千丈離奇多節骨瘦稜稜文

高華筆今日來仙闕走卒識公客類南虜問

公官閭更史館一編書多少頻添勛業偉絕

今歲別新綠名孫又見枝生華底事七旬雙瞳

如水畢竟桂花方發賜第形堪秋早又一瑤樞

光潔故人也念相逢誰似鳳池同列

又

薛
尚書

一天風露喜初行蹕壓人間殘暑金母此時雲

輶先降又見樞星光吐人道鴻濛達日可是東

方明處更天上走王人絡繹儀鸞瓊瑤聽語

更希舉試把皇朝盛事都來數當日驚頭皇屏
侍母綠髮方瞳□□更有飛鳬王季往往文星
再聚潭休問但回班千歲貂蟬成譜

又

去年玉燕記曾期今歲瑤光入度今日都人從
頭屈指盡是黑頭公輔爭道一朝語合誰信千
齡際遇更積雨曉來晴洗出瑤璃秋宇笑語
知何許旂卷青霓來自鈞天所道骨仙風安排
頓著須是人間紫府要識雲臺高絕更有鳳池
溪處從今數看千秋萬歲永承明主

柳梢青

寄薛尚書

官已尚書人猶寒素仙有名言謂是若人法當
至貴仍主脩年唐人四字鮮妍堪照映畫堂
綠煙更對新涼一聲芝曲萬斛金缸

又

和齊仙留春

嫩綠成堆朝來紅紫都在萼萼方見春來又聞

春去暗裏誰催人生易老何哉春去矣秋風
又來何似雲溪長春日月無去無歸

賀新郎

寄李端明本集前段第二句多發
紛二字後段第六句多常現二字

袖手雲溪上看人間飢鳥腐鼠觸蠻交戰便得
金魚垂玉帶多少雌黃點勘美此語必非河漢
直自彈冠班八座更青春數到期頤笑一段玉
無纖玷公難學處尤堪羨全似□冷冷秋水
體清形健袞處從來高一著那肯隨人腳轉要
須是乾坤清晏天意永教公猛去要都僉了却
從公便歌壽竿朱簾捲

寶鼎現

寄李端明

綠楊欲舞紅杏微笑春工漸侈試儂指自從嘉
定數到寶慶□□裏無一歲不書年大有問元
功誰變理於變雍熙□□□如此自當千歲
況是端笏蓬萊陛看雍容玉立山峙煉五色補
天無跡扶日天衢光四被安清祐填群心聲色

恬然如談笑耳更入荒民生莫枕此著又當千
歲又況善述先猷嚴武備不開邊鄙陰功徧
南北千歲未多嘯社且說總是三千歲此際方
□岐嶷聽今日處處笙歌何止南樓十二

念奴嬌

丙子自壽○本集作醉江月

平生有意把六經膏澤人人霑受白被子明康
節豈浪說禁除先後遇合一時英雄千古誰是
高強手蹉跎歲晚臨風浩然搔首今但入夢
青山雲谿深處煙月生懷袖宿有十年蕭散願
此段功緣須就因憶坡公仇池有約莫悞歸時
候今朝對酒歌此與君爲壽

又憶先虛春

山之勝

歸來一笑尙看看越得人間寒食阿壽牽衣仍
問我雙鬢新來添白忍見庭前去年芳草依舊
青青色西湖雨後綠波兩听平拍天教斷送
流年三之一矣又是成疎隔燕春寒渾未到

誰說江南消息玉樹熏香水桃翻浪好箇真消
息這回歸去松風深處橫笛

又初見海

棠花

嫣然一笑向燭花光下經年纔見欲語還羞如
有恨方得東君一盼天意無情更教微雨香泪
流丹臉今朝霽色笙歌初沸庭院因是思入
東屏當年手植偏桃源低岸失脚東來春七度
辜負芳叢亡限問訊園丁寧如歸去細與從頭
看東風獨立白雲遮斷雙眼

傾盃樂

丁亥自壽○本集失崇字誤

鑒殿秋深玉堂宵永千門人靜問天上西風幾
度金盤光滿露濃銀井碧雲飛下雙鸞影迤邐
笙歌笑語群仙隱隱更前問訊墮在紅塵今省
漸曙色曉風清迥更積霽沉陰都捲盡向窗
前引鏡看來尙喜精神炯炯便折簡浮丘共酌
奈天也未教酩酊來歲却笑群仙月寒空冷

余家

又戊戌上元喜
霽訪開堤洞

去臘飛花今春未已迤邐將度元宵俄然甲子
青帝下新條淨埽一天沉靄紅輪滿大地山河
從今好便賞聽取萬國起歌謠 有人當此際
鉏雲深塲剪月中阿已占斷春風自種仙桃更
扶疎桂影直從岩底上拂雲梢仍爲我長摩蒼
石無負此清波

又自寄

人道蒼姬燠多寒少故教千歲綿綿算來春夏
一氣本無偏底事今年玉曆秋未朔風露泠然
君知否山溪地僻自是早霜天 如今當此去
十分親切面問婢娟何須看仙槎海上重還好
在金英玉屑口爲我滿泛金船仍傳語橫江秀
石口永鏤三川

減字木蘭花

不應雙睫看盡人間花與雪曾是當時一朵紅

雲擁石飛 如今正好萬綠千紅深處坐也使
春工喚作天池五月風

字據古林寧人世系本河北洛川自號洛
水遺民十歲詠水便有莫言此物澤無用
曾向潯沱渡漢兵之句舅氏黃奇承此非
常見挾以自隨以平生所得二吳之學及
有聞于程大昌者悉以付之由鄉薦旅試
南宮時丞相趙公典舉見其文曰天下奇
才也擢魁多士或以道學相詰寘本經第
二論者莫不稱抑嘗讀宋史詳其功業恨
未得全集讀之癸酉中秋衍門從秦淮購
得瑞明洛水集二十六卷雖考之伊子說
中未次遺逸甚多而大畧已繁見矣先華
稱其宗歐蘇而長于文章洵哉愈梓其詩
餘二十有一調以存其人云古虞毛晉記

洛水詞終

